



Na osnovu čl. 64. stav (1) i 70. Zakona o javnim nabavkama („Službeni glasnik BiH“, br. 39/14 i 59/22) i člana 10. Pravilnika o javnim nabavkama (08-02-2-1826-1/2019 od 14.05.2019. godine), na preporuku Komisije za javne nabavke od 11.04.2024. godine, direktor Sekretarijata Visokog sudskog i tužilačkog vijeća Bosne i Hercegovine, donosi

## **ODLUKU** **o izboru najpovoljnijeg ponuđača**

### **Član 1.**

(Predmet odluke)

Ugovor o nabavci usluga osiguranja vozila Visokog sudskog i tužilačkog vijeća Bosne i Hercegovine, dodjeljuje se ponuđaču **GRAWE osiguranje d.d. Sarajevo** za ponuđenu ukupnu vrijednost 10.220,42 KM bez PDV-a.

### **Član 2.**

(Kriterij za dodjelu ugovora)

(1) Ponuda ponuđača iz člana 1. ove odluke zadovoljava sve uslove utvrđene u predmetnom konkurentskom zahtjevu (okvirni sporazum sa jednim ponuđačem).

(2) Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u obavještenju o nabavci i Konkurentskom zahtjevu za dostavu ponuda.

### **Član 3.**

(Obaveze ponuđača)

Ukoliko izabrani ponuđač nije dostavio dokaze o ispunjavanju kvalifikacijskih uslova prije prijema ove odluke, isti ih je dužan dostaviti na način i u roku navedenim u konkurentskom zahtjevu za dostavu ponuda.

## **O b r a z l o ž e n j e**

Postupak javne nabavke proveden je putem konkurentskog zahtjeva (okvirni sporazum sa jednim ponuđačem) za dostavu ponuda. Obavještenje o nabavci objavljeno je na web portalu: <https://www.ejn.gov.ba/>, broj obavještenja: 172-7-2-52-3-34/24 od 05.03.2024. godine. Primljene su ponude ponuđača: ASA Central osiguranje d.d. Sarajevo, ADRIATIC OSIGURANJE d.d., SARAJEVO-OSIGURANJE d.d. Sarajevo i GRAWE osiguranje d.d. Sarajevo.

Komisija za nabavke imenovana Rješenjem broj 05-16-4-4346-1/23 od 26.12.2023. godine, izvršila je pregled i ocjenu ponuda (Zapisnik o pregledu i ocjeni ponuda i izvještaj o radu Komisije, broj: 05-16-4-983-20/24 od 11.04.2024. godine (u daljem tekstu: Zapisnik) je u prilogu ove odluke) i utvrdila sljedeće:

Ponuda ponuđača ASA Central osiguranje d.d. Sarajevo se ocjenjuje neprihvatljivom budući da ponuđena cijena prelazi planirana, odnosno osigurana novčana sredstva, a u skladu sa član 2. stav (1) tačka I) podtačka 2) Zakona o javnim nabavkama.

Naime ponuđač ASA Central osiguranje d.d. Sarajevo je dostavio ponudu na iznos 21.173,66 KM bez PDV-a, dok je Visoko sudsko i tužilačko vijeće Bosne i Hercegovine za usluge koje su predmet ovog postupka nabavke, planirao i osigurao sredstva u iznosu od 15.000,00 KM bez PDV-a.

Ponude ponuđača ADRIATIC OSIGURANJE d.d., SARAJEVO-OSIGURANJE d.d. Sarajevo i GRAWE osiguranje d.d. Sarajevo su ocijenjene kao prihvatljive, budući da su u skladu sa uslovima iz konkurentskog zahtjeva broj: 05-16-4-983-2/24 od 05.03.2024. godine (u daljem tekstu: Zahtjev).

U predmetnom postupku zakazana je e-aukcija, u skladu sa Pravilnikom o uslovima korištenja e-aukcije ("Službeni glasnik BiH", broj 80/23). Ponuđači ADRIATIC OSIGURANJE d.d., SARAJEVO-OSIGURANJE d.d. Sarajevo i GRAWE osiguranje d.d. Sarajevo su kvalifikovani učesnici u postupku e-aukcije.

Nakon provedenog postupka e-aukcije prvorangirani ponuđač je GRAWE osiguranje d.d. Sarajevo čija ponuda zadovoljava sve uslove iz Zahtjeva i u okviru je budžeta planiranog za predmetnu nabavku. Izvještaj o provedenoj e-aukciji, broj 05-16-4-983-19/24 od 11.04.2024. godine, je u prilogu Zapisnika i sastavni je dio istog.

Komisija je uputila preporuku direktoru Sekretarijata Visokog sudskog i tužilačkog vijeća Bosne i Hercegovine za izbor najpovoljnijeg ponuđača **GRAWE osiguranje d.d. Sarajevo**.

Uzimajući u obzir navedeno, odlučeno je kao u dispozitivu ove odluke.

### **Pouka o pravnom lijeku**

Žalba se izjavljuje Uredu za razmatranje žalbi Bosne i Hercegovine putem Visokog sudskog i tužilačkog vijeća Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od pet dana od dana prijema ove odluke.

Broj: 05-16-4-983-21/24

Datum: 15.04.2024. godine

MP  
Direktor Sekretarijata  
Admir Suljagić

Dostavljeno:

- Ponuđačima,
- Odjelu za finansije i računovodstvo,
- a/a.